

नानोप॒दधा॑ति नाना॒ ह्रीमा॒वाण॑डौ सकृ॒त्साद॑यति समा॒नं त॒त्करो॑ति त॒स्मात्समा॒
 न॒सम्ब॑न्धनौ तेऽ॒ग्रन॑त्तर्हि॒ते द्वि॒यजु॑ष उप॒दधा॑ति य॒ज्ञमा॒नो वै द्वि॒यजु॑र्नत्तर्हि॒तौ
 तद्य॒ज्ञमा॒नादा॑ण॒डौ द॑धाति ॥ २४ ॥ अथ॒ विश्व॒ज्योति॑षमुप॒दधा॑ति । अ॒ग्निर्वै प्रथ॑मा
 विश्व॒ज्योति॑र॒ग्निर्ह्ये॒वास्मि॑न्लोके वि॒श्वं ज्यो॒तिर॒ग्निमे॒वैतदु॑प॒दधा॑ति ताम॒नत्तर्हि॑ताऽ
 रेतः॒सिग्भ्या॑मुप॒दधा॑तीमौ वै लो॒कौ रेतः॒सिचा॑व॒नत्तर्हि॑तं त॒दाभ्या॑ लो॒काभ्या॑म॒ग्निं
 द॑धात्य॒न्तरे॒वोप॑द॒धात्य॒न्तरे॒व ह्री॒मौ लो॒काव॒ग्निः ॥ २५ ॥ यदे॒व विश्व॒ज्योति॑षमुप॒द॒
 धा॑ति । प्र॒जा वै विश्व॒ज्योतिः॑ प्र॒जा ह्ये॒व वि॒श्वं ज्यो॒तिः प्र॒जन॑नमे॒वैतदु॑प॒दधा॑ति
 ताम॒नत्तर्हि॑ताऽ रेतः॒सिग्भ्या॑मुप॒दधा॑त्याण॒डौ वै रेतः॒सिचा॑व॒नत्तर्हि॑तां त॒दाण॑डाभ्यां
 प्र॒जातिं द॑धात्य॒न्तरे॒वोप॑द॒धात्य॒न्तरे॒व ह्या॑ण॒डौ प्र॒जाः प्र॒जाय॑न्ते ॥ २६ ॥ प्र॒जाप॑तिश्च
 साद॑यति । प्र॒जाप॑तिर्ह्ये॒तां प्रथ॑मां चि॒तिम॒पश्य॑त्पृ॒ष्ठे पृथि॒व्या ज्यो॒तिष्म॑तीमि॒ति
 पृ॒ष्ठे ह्य॑यं पृथि॒व्यै ज्यो॒तिष्मा॑न॒ग्निः ॥ २७ ॥ वि॒श्वस्मै प्रा॑णा॒यापा॑नाय । व्या॒नाये॒ति
 प्रा॒णो वै विश्व॒ज्योतिः॑ स॒र्वस्मा॑ऽउ वाऽ॒एत॑स्मै प्रा॒णो वि॒श्वं ज्यो॒तिर्य॑हे॒ति स॒र्वं
 ज्यो॒तिर्य॑हेत्येतद॒ग्निष्टे॑ऽधि॒पति॑रित्य॒ग्निमे॒वास्या॑ अ॒धिप॑तिं करोति साद॑यित्वा सू॒दो॒
 ह॒साधि॑वदति त॒स्योक्तो ब॑न्धुः ॥ २८ ॥ अथ॒ऽर्त॒व्येऽउप॑द॒धाति । ऋ॒तव॑ एते यदृ॒त॒
 व्येऽऽतू॑ने॒वैतदु॑प॒दधा॑ति म॒धुश्च मा॒धव॑श्च वा॒स॒त्तिका॑वृ॒तूऽइति॑ ना॒मनी॑ऽए॒नयो॑रे॒ते
 ना॒मभ्या॑मे॒वैने॑ऽएतदु॒प॒दधा॑ति द्वेऽ॒इष्ट॑के भवतो द्वौ हि मा॒सावृ॑तुः सकृ॒त्साद॑यत्ये॒कं
 तदृ॑तुं करोति ॥ २९ ॥ तद्य॒देते॑ऽअ॒त्रोप॑द॒धाति । सं॒वत्स॑र् ए॒षोऽग्नि॑रि॒मऽउ लो॒काः
 सं॒वत्स॑रस्तस्यायमे॒व लो॒कः प्रथ॑मा चि॒तिर्य॑मस्य लो॒को व॑स॒न्त ऋ॒तुस्तद्य॑देतेऽअ॒
 त्रोप॑द॒धाति यदे॒वास्मै॑तेऽआ॒त्म॒नस्त॑दस्मिन्नेतत्प्रति॒दधा॑ति त॒स्मादे॑तेऽअ॒त्रोप॑द॒धाति
 ॥ ३० ॥ यदे॒वैते॑ऽअ॒त्रोप॑द॒धाति । प्र॒जाप॑तिरे॒षोऽग्निः॑ सं॒वत्स॑र् उ प्र॒जाप॑तिस्त॒स्य प्र॒
 ति॒ष्ठैव॑ प्रथ॑मा चि॒तिः प्र॒तिष्ठो॑ऽअस्य व॑स॒न्त ऋ॒तुस्तद्य॑देतेऽअ॒त्रोप॑द॒धाति यदे॒वास्मै॑
 तेऽआ॒त्म॒नस्त॑दस्मिन्नेतत्प्रति॒दधा॑ति त॒स्मादे॑तेऽअ॒त्रोप॑द॒धाति तेऽअ॒नत्तर्हि॑ते वि॒-